

製石器，在羅布淖爾只得此三件，而庫魯克山中則並此無有，殊可注意之事也。

圖90：形式雖同於圖89，但以玉質論之，確爲天山北路之物。因此類碧玉出於今之瑪拉斯山中，半透明，中有黑點。和闐于闐尙無此類玉石之發現。葉爾羌河雖嘗出此類玉石，數量亦多，但余等尙未覓得製成之器具也。故余僕人稱得於天山北路，亦非盡誣也。

按磨製石器除羅布淖爾所拾者外，又在庫車沙磧中達宛庫木採獲石斧一件，形式與此正同；又有磨製刀片，爲四方斜角形，磨製光平，洵爲文化進步之徵。但庫車於打製刃片及石核發現甚少，反之庫魯克山中，無有磨製石器，由此可證明雖在新疆一地，而文化之進步各地不一也。蒙古一帶，除包頭得有磨製石器外，其包頭東山及貝勒廟所發現之石斧形式，與此極類似，但多上部打製，口刃磨製。同時又發現燧石磨製之石斧，具橢圓形，長而有柄，則爲貝勒廟以西至羅布淖爾一帶所未見，而反同於陰山以南所出。然則文化之進展與分布，固有關於地域者矣（參閱第二篇工作概況第一章石器遺址）